

»Redovni izvještaj dnevnih događaja i pojava«

Izvještaj se odnosi na događaje u vremenskom periodu od 25.02.2023. godine od 08:00 sati do 26.02.2023. godine do 08:00 sati.

Prema podacima kojima raspolaže Kantonalni operativni centar CZ-e, službe od posebnog značaja radile su na izvršavanju svojih redovnih zadataka.

POŽARI (LP-3)

Grad Bihać. Od vatrogasne jedinice Bihać dobili smo informaciju da su u vremenu od 10:43 do 14:15 sati imali intervenciju u mjestu Pritoka, gdje je gorjela porodična kuća. U tom požaru jedna osoba je smrtno stradala, a druga osoba zadobila je lakše tjelesne povrede.

Općina Sanski Most. Vatrogasna jedinica općine S.Most je imala intervenciju na gašenju požara od 12:10 do 13:50 sati u mjestu Vrhpolje, gdje je gorjelo nisko rastinje.

Vatrogasne jedinice u ostalim općinama nisu imale intervencija.

OBLAST SAOBRAĆAJA (prohodnost puteva, drumski i željeznički saobraćaj)

Svi magistralni i regionalni putevi na području Kantona su prohodni.

Zbog novih sniježnih padavina koje su tokom noći i jutra zahvatile veći dio Bosne i Hercegovine, jutros se vozi po zasniježenom kolovozu. Posebno se skreće pažnja na puteve na području Unsko-sanskog kantona. Preporuka je korištenje lanaca za teretna vozila. Ekipe putnih službi nalaze se na terenu i obavljaju neophodne intervencije.

Zbog loših vremenskih uvjeta u Hrvatskoj na graničnom prijelazu Izačić zabranjen je saobraćaj za teretna vozila preko 3,5t. Na ostalim graničnim prelazima nema dužih zadržavanja.

BEZBJEDNOST U SAOBRAĆAJU (LP-7) (saobraćajne nezgode)

Na području USK-a u protekla 24 sata desilo se devet saobraćajnih nezgoda. Tri lica zadobila su lakše tjelesne povrede, pričinjena je materijalna šteta.

OŠTEĆENJA ELEKTRIČNE MREŽE (LP-18)

Sniježne padavine uzrokovale su probleme na elektromreži u više Općina i to u Bihaću, Cazinu (dalekovod Ćoralići i dio 10 kV DV Samaradžić), Bužimu (dalekovodi Varoška rijeka i Bužim2), Bos. Krupi(dalekovodi Otoka, Perna, Jasenica, i grad 110 Bos.Krupa), Sanskom Mostu (dalekovod Lušci Palanka), i u Velikoj Kladuši (dalekovodi Hajrat i Vodovod).

Sve ekipe „Elektrodistribucije“ Bihać intenzivno rade na otklanjanju kvarova i normalizaciji snabdijevanja.

OBLAST TELEKOMUNIKACIJA (LP-18)

Telefonske veze funkcioniraju u svim pravcima.

OBLAST VODOSNABDIJEVANJA (LP-18)

Vodosnabdijevanje je zadovoljavajuće.

NEEKSPLODIRANA UBOJNA SREDSTVA – NUS (LP-19)

Nije bilo dojava o pronalasku NUS-a.

METEOROLOŠKO-HIDROLOŠKA SITUACIJA

U gradu Bihaću u 07:00 sati temperatura je iznosila 0 °C.

Vodostaj rijeke Une iznosi 52 cm, (kritična tačka je 100 cm).

Padavine: snijeg 45 l/m². Visina snijega: 20 cm

U općini Sanski Most u 08:00 sati temperatura je iznosila 1 °C.

Vodostaj rijeke Sane iznosi 167 cm, (kritična tačka je 380 cm).

Padavine: 30,4 l/m² Visina snijega: 7 cm